



ЧАННАЦУКУ

«ЗВЕЗДА»

15 январь 2016 ш
ножмар

№ 2 (6483)

Багъа 2 кѳуруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация

Ц1усса шинанссa бюджет ц1акъ бувни

Ларгсса шинал декабрьданул 28-нний Ваччав-хуна районналул Собраниялул депутатътурал сессиялул заседание. Ва хъанай дия ларгсса шинаву хъанахъисса сессиялул махъра-махъсса заседание.

Сессиялий ххал бивгъу на ва ц1акъ бувна 2016-ку шиналнинсса районналул бюджет. Сессиялул заседания лий мунил даву дайдишиннин районналул муниципальный сакиншиннарал бак1чи С.Х1.Сулаймановлул кут1ану жям дурна жуятюра яла нани сса шинал дурсса давурттал.

-2015-ку шин жула район налул агъалийнал оърмулуву ца яла дак1ний лич1анмурну хъунни,-увкуна цала ихти латраву С.Х1.Сулаймановлул. Ва шинал ч1ярussa давуртту дурссар ва дак1ний лич1ансса ишру лайкьну к1иц1 лавгссар. Шин дайдихъулийра хъунна сса шадлугърай к1иц1 лавгссар районналий литература лул шин т1ит1аву. Микку гуртту хъун бувк1ун буссия районналийсса ва республика луйсса чичулт, шаэртал. Муния махъ клантту-кланттурдай тамансса давуртту дунни литературалул шинан хас дурну. Сакиншиннарай ва саргъунну, хъуннасса х1адур шиннарай к1иц1 ларгунни Буттал клану буруччултрал кьини, дунияллул халкьуннал дянивсса хъаннил байран кьини-8 март, хъунни инт ху на дакьаврин хасъсса тяхъа сса шадлугъру. Районналул агъалийнал хъуннасса



барчаллагъ учин ччай бур Буттал кланттул ц1анийсса Хъуннасса дяввилуву совет халкьуннал Бюхттулсса Ххув шаву ларсун 70 шин шаву

передача дачин дайсса М.Ко жухов.

Сессиялийн бавт1умий ва цинявппагу районналул агъалий барча бувна ялун нанисса



лайкьну к1иц1 лаган дурсса хъуннасса гурттушиннарахлу ва Совет Союзрал к1ийла Виричу Ах1мадхан Султаннул 95 шин шаву к1иц1 лагавриву дурсса хъхъич1унсса гуртту шиннарахлу.

Хъуннасса сакиншин нарай ва шавкьирай т1айла дурккунни Хъювхъ районналул фольклорданул фестиваль "Авадан", цайгу гуртту хъусса "Клуб путешественников" теле

ц1усса шинашал, ч1а увкуна гъарцаманан талих1, тирхханну ва т1айлабац1у.

Сессиялул заседаниялий 2016-ку шинанссa районналул бюджетрал х1акъираву доклад бувна районналул финансирттал управлениялул начальник Къ.М.Амучиевлул. Бюджетрал проект ххал диргъуну махъ, дурсса дахханашиннардишал къамул бувна районналул 2016-ку шиналнинсса бюджет.

К1иц1 ларгунни печатърал кьини

Жула билаятрай цалчин хуна дакьайсса байран кьинирдаву хъанай дур Аьрасатнал печатърал кьинигу. Гъашинугу ва печатърал кьини к1иц1 ларгунни январьданул 13-нний. Печатърал кьини к1иц1 лаглагиний буслай бивк1унни агъалийнаву ц1умурния, хъхъич1унмурния, хъанахъисса дахханашиннардия бусласисса печатърал агъамшивруя.

Жула билаятрай ц1анасса ч1умалгу итабакълайнма бур миллионнайсса тиражирттай лич1и-лич1ийсса газетру, журналлу. Ми так оьрус мазрай бакъассагу, итабакълай бур билаятрайсса миллатирттал мазурдийгу. Анжагъ ца жула лакку мазрайгума итабакълай бур республикалул лагрулийсса "Илчи" газета, мукума динийсса газета "Ас-салам", шанма районналул газетарду, шанма журнал ("Ц1убарз", "Ч1авалачин", "Зунттал хъами").

Жула ниттил мазрай итабакълакьисса газетирттаву панма к1ану бугълай бур жула районналул "Чаннац1уку" газетралгу. Газетрал лажинтирттай муданмагу гъаз буллалиссар ч1умун лавхъхъусса масъалартту, бувч1ин буллалиссар заманалун лавхъхъун жула билаятрай, республикалий, районналий лавсун нанисса ххуллуяту, хъхъич1 бавц1усса, биттур буллалисса агъанми масъаларттаяту.

Ларгсса, 2015-ку шинал жула газетрал ва мунил лагма лавгусса зузалтрал: корреспондентурал, селькортурал, газета буккултрал хъуннасса даву дунни Буттал кланттул ц1анийсса Хъуннасса дяввилуву совет халкьуннал Бюхттулсса Ххувшаву ларсун 75 шин шаврил юбилейран хас дурну. Цинма к1ану бувгъунни литературалул шинан ва багъирдал шинан хас дурну дуллалисса давуртту ч1алач1и давриву. Чансса материаллу къадурккунни хъхъич1унмий проекту иширайну биттур хъанахъаврин хас дурсса ва ч1ярussa цаймигу кьинилул масъаларттан хас дурсса. Газетрал редакциялул зузалтрашал арх1ал газетрал давриву хъхъич1унсса гурттушинна дуллай бия клантту-кланттурдайсса селькортал ва газета буккулт. Миннал х1арачатрайну буюхълай бия клантту-кланттурдай хъанахъисса хъунисса ва мюршсса иширттая ч1явучин ч1умуй баян буван.

Ва к1иц1 ларгусса печатърал кьинилуштал барча буллай газетрал редакциялул чулуха хъуннасса барчаллагъ т1ут1иссару цинявппагу газетрал ч1арав бац1лац1исса селькортурахъ, газета буккултрахъ ва щала районналул жяматрахъ, ч1а т1ий буру ц1усса шинавугу хъхъич1унсса гурттушинна дуллансса ц1уллушиву, дуллалимуниву т1айлабац1у.

Литературалул шин къртал шаврин хасну

2015-ку шинал ахир даний районналул шяра валлаву, школардай, библио текардаву хъунни литература лул шин къртал шаврин хас дурсса швдлугъру.

Районналийсса ац1ния мукърагу шяраваллил библиотекардал зузалт, школардал дуклакки оьрч1ру, цалчин шеъриву чичлан байбихълахъимий бавт1усса вечер хъунни декабрьданул 23-нний районналул библио текалувугу.

Районналул библиоте калул хъунмур Пат1имат

Х1ажиабдиевал шиккун бавт1умий цалчин барча бувна ялун нанисса ц1усса шинашал ва бувсуна литература лул шинан районналул библиотекалул зузалтрал дурсса давурттая

Шикку махъ лахъла хъисса районналул бак1чинал заместитель С.Х1.Илья совал, районналул вивсса политикалул отделланул хъунма Щ.А.Хизриевлул циняв ц1усса шинашал барча бувавриштал, барчаллагъ баян бувна районналул библиотекардал зузалтран



жагылсса ник мяриват дуну тарбия бавриву буллалисса зах1матрахлу.

Библиотекалул зузалтрал, дуклакки оьрч1ал бувккуна назмурду,

оьруснал ва дагъусттан налклассиктурал произведениярдавасса парчри. Ц1уну хъанахъисса ч1ава шаэртуралгу бувккуна цала чивчусса назмурду.

Шадлугъ къртал хуна культуралул зузалтрал художественный самодеятельностьрал ва дуклакки оьрч1ал х1адур дурсса концерт ккаккан даврийну. Шикку гуртту хъанахъими ва тамашалий бавт1умий вечердания рязийну ливч1уна.

Жула лакку билаятрай инсантуран маэшат бан зунсса клантту бакъар, мунияту даврил къуллугърал цланий члявусса инсантал шагърурдайнмай, цайми кланттайнмай лаглай бур.

Му бакъагу лак цивпа ва зун ччисса, бюхъу-гъунар бусса инсантал бур, ми мудангу даврил бувгъуну биклан баглай бур. Му инсантал зунсса масъала шаллу баву мурадрай Хъювхъиял шяраву 2015-ку шинал тиртлунни ххюнк1рал ферма. Му тлитиннин строительтурал дурунни фермалунсса къатри. Ферма дан, ххюнк1ри ябуллан т1исса пикри инсантураву хъуна Сулайманов Саэд Х1аснил арсенал увкуну махъ. Саэд Х1асниевичлул цува зун ивклун махъ бунни Ккулув, Ваччав школарду, Хъусрахъ, Вихълив спорткомплексру

Ххюнк1рал фермалий

буллай бур Вихълив школа, цаппара шяраваллаву бунни ФАП-ру. Кутлану учин вай ва мукунна цаймигу давур ттал жула шяраваллал ч1ала ч1ин ххуй дурну ч1алай дур.

Утти ва Хъювхъ зун дайдирахъусса фермалул шаллуну зун диклайхту 7-8 инсан зунсса клану бан т1ий бур. Шикку ябуллан т1ий бур 25000 ххюнк1ла. Вагу ххуй сса х1аллихшиву дур даву дакъа ливч1нан. Ххюнк1рал ферма зун дайдирахъуну дур Краснодар шагърулия 300 ххюнк1ла лавсуну. Муния махъ лавсуну бур Москва лия лич1и-лич1исса жинсирал ххюнк1рал ккунукуру. Ми ккунукуру оьрч1ру итабакъин бишин лавсуну бур к1ива инкубатор -аппарат цанниву 300, гамуниву 1700 ккунукур бишайсса.

Ва фермалул заведующий хъанай ур Ц1аххуйхъал Х1усайн Мих1араннул арс. Шикку ххюнк1ран ххуйсса кормуш карду дурну дур, щин х1а ч1ансса къумурду бур, помещениярдаву марц1 шиву дуллай, ххюнк1ран комбикорм дичлай зий бур Х1аснихъал Шамсият. Ц1анасса ч1умал шикку бур 5000 ххюнк1ла. Вай бур лич1и- лич1исса жинсирал к1яласса, ттарлисса, лух1исса м.ц. рангру.

Шиву бур Тихас жинсирал диклун ябуллалисса, вайннуй шайсса дур 500-600 грамм диклул цанний. Манжур жинсирал, эстонка жинсирал ххуйну ккунукуру бай т1ий буслай ур Х1усайн. Бур англиянал лух1исса

ххюнк1ри ва мраморданул т1исса жинсирал 20-30 ххюнк1агу. Шиву ххюнк1ри бур цала-цала жураду, хъуними, мюрщими, оьрч1ру лич1и-лич1ину ябуллай. Вайннул дукрардугу комбикорм дур жура- жура ккунукур бай миннун, оьрч1ан, дик1 дулай миннун т1ий ккаккан дурсса.

Вай ххюнк1рал ккунукуру ласлай бур оьрч1ал садиртан Ккулув, Хъусрахъ, Вихълив, Хъювхъ, Ваччав, Ч1яв. Бахлай бур ккунукуру цалаток 60 къурушран, лотокравугу бур 20 ккунукур. Ялагу ххюнк1рал ккунукуру баххайсса бур Гъумук 4 кланай, Ккулув ва Вихълив ттучаннай. Ккунукуру бавххуну хъусса арцух ласайсса дур ххюнк1рал корма, дулайсса дур ишла бувсса токрах, вайнния булай

сса бур зузалтран харжигу. ишла дайсса дур аьркин лугърангу.

Ххюнк1раха зузисса зузалтран шиккува бур х1аммам, шаппай бачиннин щина вун буч1аван. Фермалул заведующий Х1усайннул къуртал бувну бур Хъювхъиял шяраву майва класс, зий ивклун ур шиккува механизаторну. Дуниял ххалдан Москва лия лавгун к1ира шингу дурну махъунай увклуну ур буттал шяравун.

Ванал бутта Ц1аххуй хъал Мих1аран 28 шинай зий ивклун ур Хъювхъиял шяраваллил советрал председателъну. Буттал лахъхъин дурсса даврил бюхъу-сант дур Х1усайннугу. Ва ур бунияласса зузала сант к1улсса ишккакку. Т1айла бац1у баннав вин Х1усайн буллалимур бак1уйн букканнав.

Р.Мах1аммадов

Гъарца давриву бюхъу-гъунар лахъсса инсан

Гъарца дунияллий инсан тал дак1ниву баргъ бивтесса, итату гъелисса шат1и бишлашисса, буний, гукунсаинсаннч1ан лагмами клунк1утлунбиклайссар, ганал бусласимур дак1ниву шябиклайссар, гай жяматраву бусравнубиклайссар.

Мукун ххуйсса, дак1 хъинсса инсан ур Вихълиятусса Шалласухъал Багъду Рамазаннул арс. Ва ур аьмал ххуйсса, инсаншиву дусса, дугърисса инсан. Ва илкинсса, клук1лусса дак1 дусса инсан зий ур Вихъуллал школалий биологиялул учительну. Ххирар Шалласухъал Багъду оьрч1ан, бусраври гъалмахтуран. Багъду Рамазановичлул къуртал бувну бур Мах1ачкъсалалив Дагъуст таннал пединститутрал биологиялул факультет, зун айивхъуну ур ларквал районналий Ч1артал школалий биологиялул учительну. Цувагу ххирасса, цанмагу бусравсса жямат, оьрч1ру къабитан багъну бур ванан. Рамазаннул арсенан члявуну дак1нин багъай Ч1артал школа, учительтал, оьрч1ру; хъинну х1урматрай бусай гайнняясса хавар.

Шалласухъал Багъду зана хъуну ур буттал шяравун жула Ккуллал районналийн. Ванал бюхъу- гъунар ч1алай ва увцуну ур Ккуллал партиял райкомрал инструкторну. Цайва бивхъусса бигар дак1нихтуну шаллу буллалисса Шалласухъал Багъду ч1умуй бусрав хъуну ур гъалмахтуран, х1урматрай к1иц1 лапанбивклун бур ваналца.

Дак1 хъинсса, клук1лусса,

ам ма даврил т1алавшин дусса Багъду Рамазанович ивтуну ур Ккуллал райком партиялул заведующийну учетрал секторданул, марц1ну, хъирив лаян дурну даву дувайсса, сант к1улсса зузала мудангу аьркинну ур, гъарца кланай мунияту Багъду Рамазаннул арс ивтуну ур Райком партиялул аьмсса отделланул хъунаману.

Цинявннан к1улсса куццуй 1991-ку шинал комунист партия цал каялувширия дукъан дурну, яладукъанна дуркун ванангу къабитан багъну бур цала къуллугъ.

Даву дакъа къавитуну ур ва ялагу: районналий ц1уну т1ивт1усса магьирлугърал школалий Ваччав зун ивклун ур. Ваччиял школалий магьирлугърал даврийзийхуну дуршинну, даву бигъанунай оьрч1ал цувагу жагъил уллай ивклун ур. Цуксса цит1урчагу буттал шяравун клунк1утун иклай гъарцамагу, вагу зана хъуну ур Вихъуллал шяравун, зун ивклун ур Вихъуллал школалий зах1матрал дарс дихълай. мастер койлуву станокирдай зий.

Багъду ур хъинну ххуйсса т1аннул усттар, электрик, кутлану учин ва ур ка къаччуччин къяц1а, кару мусилсса инсан, Вихъуллал жяматран ва хъинну ххирар, жула Багъду т1унбиклай члявуну.

Ц1анавазий ур биологиялул учительну, ва гъарца шинал гуртту шай районналий хъанахъисса олимпиадардай бутъай хъхъичлун сса клантту, дувай ванал гуртту шинна республикалий хъанахъисса олимпиадардайгу. Ванал оьрч1ал к1ира шинал бувгъунни Мах1ачкъсалаливсса олимпиадардай л-сса клантту.

Дак1нихтуну дуллалисса даврихтугу Шалласухъал Багъду хъуну ур Дагъуст таннал лайкъсса учитель. Ванач1а дур лич1и-лич1исса х1урматрал грамотарду, дипломру.

Багъду кулпат Ххадиджа бур байбихъуллул классирттал учительница, вагу бур дак1 гъартасса, аьмал ххуйсса инсан. Вайннал дуккингу бувну хъуни бунни шама арс ва шанма душ, оьрмулул балугъравун бувххуну махъ к1ия арс ахиратрахъхъун лавгунни, гайми зий бур цала пишардай.

Багъдул ва Ххадиджал цалами оьрч1ал цун хъуни бувну дуккин бунни ахиратрахъхъун лавгсса Ххадиджал ссил арс ва душ. Вайннан цукунч1ав к1ул къабувунни нину дакъашиву, къабивтунни ссахч1ав мюхгажну, цаламинная ссалч1ав лич1и къабувну ябунни шарнил ссийлмигу. Багъду Рамазанович, вилциняв мурадру бартлаганнав оьрмулуву, давриву т1айла бац1у баннав. **Р.Мах1аммадов**

Ххарину ларгуна

Най дур цлусса шин, ххарину бур оьрч1ру ва нинуппу минная ххарину бур учительтал. Тяхъасса ч1урду, лялич1исса маскарду, ххарисса хъяхъавуртту дия вай гъантрай Къяннал школалий. Вай ч1урду ягин хъуна нинуппу шяравусса инсантал школалийн бувк1укун.

Школалул санах1раву ч1юлуна бавц1уну бия елка, ганил лагма лечлай бия оьрч1ру, душру, гайннах буруглай ххари хъанай бия ниттихъул, учительтал. Ахиргу хъхъичлун бувккуна Къурванхъал Анисат Юсуплул душ, пахъ багъуна оьрч1ру, вич1и дирхъуна лагмаминнал. Ванил барча бувна циняв цлусса шинашала куна ц1уллушиву, талих1, тирхханну. Махъ буллауна мажлис бачин буллалимин нахъхъун Агъаева Гулану хъхъун ва Маммаева

Маринахъхъун.

Вайнналгу циняв бавт1умий барча бувна ялун нани сса байранналушала, махъ буллауна марххала душни хъхъун ганил баян бувна байран цукун наниссарив цуппа ча чун бувк1иссарив, буллауна ца-к1ива суал. Оьвкунуна цинявннал ххарина дякъил ттаттайн. Балай т1ий, къавт1ий ххари хъанан бивк1уна оьрч1ру, гай бия маскардал ч1юлу бувну.

Дякъил ттаттал ва марххала душнил, мажлис бачин бувминнал оьрч1ашал лич1и-лич1исса т1урк1урду, хъярч-махсарарду буллай, бястлийсса суаллу буллай, ххуй бувна елкалу ч1асса оьрч1ал ккурч1а. Балай т1ий, къавт1ий т1урк1ут1ий, ххарина ларгунни къяннал школалий ц1ушинал байран.

Жул корр



Зунттавусса к1и (Дуклакки оьрч1ал сурат)

Редакциялул адрес
368390, Республика Дагестан
Ккуллал район, ш.Ваччи

Издательнал адрес:
Республика Дагестан
Ккуллал район, ш.Ваччи

Газета регистрировать
бувссар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хъунама редактор
А.И. Къянчиев

Газета бавт1уссар «Чаннац1уку»
газетрал редакциялул компьютердай,
бившуссар ГАУРД «Издательский дом
«ДАГЕСТАН». Типографиялул адрес:
367018. Мах1ачкъала, пр.
Насрутдинова 61,

Буккайссар ножмардий
цал,
Индекс: 51317
тираж 620 экз. Газета
итабакъин къулбас дайсса ч1ун
17. 00,
къулбас дурсса ч1ун 16. 00